
ВИЛОЯТ ҲОКИМИ ХАЙРУЛЛО БОЗОРОВ ЮНЕСКОНИНГ ЎЗБЕКИСТОНДАГИ ВАКОЛАТХОНАСИ РАҲБАРИНИ ҚАБУЛ ҚИЛДИ

Вилоят ҳокимлиги қабуллар уйида вилоят ҳокими Хайрулло Бозоров ЮНЕСКОнинг Ўзбекистондаги ваколатхонаси раҳбари Сара Ношади бошчилигидаги таниқли мутахассислар ва экспертлардан иборат делегация вакиллари қабул қилди.

Учрашувда жорий йил 20-22 октябрь кунлари Марғилон шаҳрида ўтказилиши режалаштирилаётган “Атлас байрами” бешинчи миллий матолар фестивалига ҳозирлик кўриш, уни ўтказиш билан боғлиқ ташкилий масалалар бўйича муҳокама олиб борилди.

Меҳмонлар 20 октябрь куни фестивалнинг расмий очилиш маросими ўтказилиши, унда шаҳарга Бутунжаҳон ҳунармандлар кенгаши томонидан Ҳунармандлар шаҳри мақоми белгиланган махсус сертификат топширилишини маълум қилишди.

Шунингдек, фестивалга ташриф буюрувчи халқаро экспертлар ва дизайнерларни кутиб олиш ва фестиваль давомида улар учун қулай шароитлар яратиш билан боғлиқ ташкилий масалалар, “Атлас байрами” миллий матолар фестивалига бағишланган китоб чоп этиш, фестивални кенг миқёсда ёритиш учун хорижий, республика ва маҳаллий ОАВларни жалб қилиш масалалари юзасидан ҳам фикр алмашилди.

Вилоят ҳокими фестивални ўтказишга юқори даражада тайёргарлик кўрилаётганини маълум қилиб, барча ташкилий масалалар бўйича белгиланган чора-тадбирлар асосида иш ташкил қилинаётганини билдирди.

Учрашувда вилоят ҳокимининг ўринбосари Хуршид Аҳмедов, Марғилон шаҳар ҳокими Адхам Зиявитдинов, “Ҳунарманд” уюшмаси вилоят ҳудудий бошқармаси бошлиғи Расулжон Мирзааҳмедов ҳам иштирок этдилар.

Фарғона вилояти ҳокимлиги, ЮНЕСКОнинг Ўзбекистондаги ваколатхонаси, “Ҳунарманд” уюшмаси, Марғилон шаҳар ҳокимлиги томонидан бошқа халқаро ҳамкорлар билан биргаликда ташкил этиладиган ушбу фестиваль Марғилон ипакчилигининг довуғини дунёга танитишда, ҳунар ва санъатга меҳри баланд инсонларнинг ўзаро фикр ва тажриба алмашишида муҳим ўрин тутиши билан аҳамиятлидир.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-09-24 21:45:54